



## **Universitätsbibliothek Paderborn**

### **Ars Semper Gavdendi**

Demonstrata Ex Sola Consideratione Divinae Providentiae Et Per  
Adventvales Conciones

**Sarasa, Alfonsus Antonius de  
Antverpiae, 1664**

§. IV. Vt igitur magnam illam de Dei Proudentiâ opinionem excitare  
incipiamus, considerantur generatim instrumenta corporea, quae Deus  
vniuersi gubernationi adhibet, nobisque sunt conspicua. vt ...

**urn:nbn:de:hbz:466:1-13517**

## §. IV.

*Vt igitur magnam illam de diuina Prudentia opinionem excitare incipiamus, considerantur generatum instrumenta corporeaque Deus vniuersi gubernationi adhibet, nobisque sunt conspicua.*

18. Certe quod si ea quae summus ille rerum artifex, mundo vniuerso dirigendo applicat instrumenta, ea, inquam, tantum quae oculis nostris quotidie sunt conspicua, sedulo consideremus, eiusmodi esse fatebimur, quae humanam mentem in stuporem rapiant, confessionemque etiam inuitis exprimant, quam sanctus David vltro proferebat. *Confitebor tibi, inquietabat ille stupore desfixus, quia terribiliter magnificatus es.*

*Ad hoc, instrumenta  
principia  
qua Deus  
mundi gu-  
bernatione  
adhibet cu-  
templare.*

19. Oculos igitur mentemque in ipsam celi concavam, quam nobis patet, superficiem attolle, & si totum penitus artificium formam & materiam non potes comprehendere, attende pulchritudinem & figuram. Eni tabernaculi instar expansum, Vniuerso incubat, *Extendit celum sicut pellem,* inquit David, quo cunctæ creaturæ saltem corporeæ contegantur. Ecquod ornatius splendidiusque concipi potest ornamenti genus, quam quo cæruleum hocce pallium, vniuersitatisque quasi tegimen & velum vndique conspersum est? stellarum inquam tam copiosâ multitudine, quibus quasi adamantibus totum conspergitur, omniumque in se oculos rapit, dum eos suauissimo splendore deletat. Et verò in tantam altitudinem machina hæc porrigitur, ut quamvis tam exiguae appareant stellæ singulæ, illæ tamen quas primæ magnitudinis vocant non minus quam centies septies, quæ verò omnium ex aspectabilibus minimæ, non minus tamen quam decies octies totum hunc, cui insistimus, terraqueum globum mole superent.

*Ac impri-  
mis firma-  
mentum  
affice.*

20. Liceat hinc mihi paululum extra præstitutum sermonem euargari, & pio aliiquid dare affectui. Tantam enim extimæ illius concamerationis superficiem dum considero, exclamare iam lubet cum Propheto Baruch; *O Iſraël! quam magna est Domus Dei, & ingens locus possessionis eius! magnus est, & non habet finem,*

*Eiusq[ue] ma-  
gnitudinē  
cum terrā  
quam in-  
colis, si po-  
tes, compo-  
ne.*

nem, excelsus *et immensus*, subduc rationes si potes; & si stella  
vnica centies septies totum terræ globum continet, dic fodes,  
quot millionum millionibus, totus ille cœli ambitus, terram  
quam incolimus videatur superare? metire spatia, imo si potes  
consideratione solâ complectere. Non potes scio. Hæc tamen  
Domus tua est, Christiane; hic locus possessionis ad quam destina-  
ris, excelsus *et immensus*. Erige animos mortalis homo, cœlum-  
que terræ, quam tantopere colis, compara. Punctum est, pene ni-  
hil est. Et hoc punctum inquit Seneca, *ferro et igne dividimus*. Si  
terra punctum est, quid Belgium est toti orbi comparatum? or-  
bis punctum est. Rursus quid ciuitas hæc, collata cum Belgio?  
Belgij punctum dices. Quid demum domum tuam quam hic  
possides rectè dices, nisi ciuitatis huius punctum portionemque  
perexiguam? & pro punto decertas tu; hoc te magnum, hoc  
te aspectabilem facit, in hoc gloriaris, in hoc triumphas. Mis-  
eros sanè mortales, & tamen superbos! gloriamur in nihilo, & ve-  
ram gloriandi materiam aut ignoramus stupidi, aut contemni-  
mus superbi. Interim O Israël! quam magna est Domus Dei, imo  
est tua! Hæc quam vides, extima tantum superficies est posses-  
sionis tuæ; quæque ne pedibus quidem tuis, domus possessionem  
cum adieris, merebitur conculcati.

Verum ne me longius abripiat suauitas argumenti, vicissitu-  
dines motusque cœlestium corporum, tam æquabiles tamen, cer-  
tâque astrictos lege dum perpendo, an aliud exclamare possum  
quam cum Davide cœli enarrant gloriam Dei, *et opera manuum* ps. 18.  
*eius annuntiat firmamentum?* quis non videat, non alias ope-  
ri tam immenso, tam solidio, tam concinno & decoro adhibitas  
esse manus quam diuinæ? at quam diuinæ? quis hoc explicit,  
quis capiat, nisi Deus ipse quise solus capit? hoc unum habeo  
dicere cum D. Augustino. *Mundus ipse ordinatissimæ suæ muta-* Aug. 1. n.  
de ciuit.  
c. 4.  
*bilitate, et mobilitate, et visibilium omnium pulcherrimæ specie,*  
*quodammodo tacitus, et factum se esse, et non nisi à Deo ineffabi-*  
*liter atque inuisibiliter magno, et ineffabiliter atque inuisibiliter*  
*pulchro, fieri se potuisse proclamat.*

Iam vero Solis globum cum contemplaris, vultumque amæ-  
nissimum, quod vniuersum hunc mundum aspectabilem facit dum  
consideras, quid cogitas, quid iudicas, quid dicis? An lumen  
quod illustrat omnia, an calorem quod fountur vniuersa, satis  
percepis?

Dsinde so-  
lem atten-  
dis.

Ecli. 42. percipis? an non formosissimi illi radij ab hoc corpore emicantes, magis subserviunt menti illustrandi, ut conditoris magnitudinem assequatur, quam illuminandis oculis? Quis dubitet inquit Ecclesiasticus. *Sol illuminans per omnia respergit.* *Gloria Domini plenum est opus eius.* Nec tam lumen & calorem, quam Gloriam conditoris sui, toto orbe quotidie circumfert & representat.

23. Si magnitudinem planetæ huius exquiris, certè centies sexagesimæ sexies, & tribus octauis partibus, hoc est fere vñā mediā, terraqueum globum mole superare statuunt ij, qui modeste secundum Astronomiæ placita calculos subduxere.

24. At verò situm eius quis non obstupescat, vt cætera sileam? quis nisi summus artifex, summa attentione & studio, eo quo situs est loco, Solem collocavit; vt nec propinquior esset terræ, nec ab eâ etiam remotior, neque rursus major mole, nec etiam minor: si enim teræ propinquior fuisset, certè calore suo adufisset omnia; & si non in cineres, saltem in aridum puluerem redigisset terram, sterilitatemque induxisset orbi, fœcunditati inducendæ factum sidus. Quid si à terrâ remotior, iam illi calefaciendæ non suffecisset. An verò solem eius rei consilium, hunc sibi, quasi aptissimum locum, delegisse somniabit quis? Rursus, si propinquior quidem terræ at corporis mole fuisset minor, iam nec sufficiens terræ spatiū eodem simul tempore illuminasset, neque firmamenti stellis debitum luminis sui præstisset obsequium. Si verò & maiorem mole & situ terræ propinquorem statueris, tum verò dubio procul, & terram ardoribus conficiet, & humanos oculos nimia luce. Quis itaque terram hominesque, ita cum Solis lumine ardoreque potuit componere, altitudinemque eam Soli dare, quæ commodissima foret humanis visibus, quæque melior non poterat excogitari? certe non nisi magnitudinis est, tam apta constitutio. Neque aliud de sole dicere possum, vt dicam omnia, quam illud Ecclesiastici, *Vas admirabile opus excelsi,* vas id est instrumentum magni Dei, ad magnos usus a summo artifice adhibendum.

Ecli. 42. 25. Quid nunc de Lunæ corpore edisseram? nolo de iucundissimo eius aspectu quidquam dicere, ne tempus teram rebus quæ patent. Verum, situm considera, & stupe artificem. Quis enim nisi cui Solis vehementia, terræque distantia omni ex parte fuerat perspecta.

perspecta, corpus illud Solem inter & terram interuallo tam a quo potuit collocare, ut neque frigore sibi innato, neque humidis influxibus, nimis propinquum terræ animalium fœcunditatem profructus infringenteret; neque remotius Solis, ardorisque ex eo emicantis vehementiam minus apte temperaret? quis vnius quidem Astri calores, alteriusque frigus ita immiscuit, ut temperiem eam, sine qua neque plantarum, neque animantium generatione subsistebat, gratâ fœcundaque mixturâ terris daret? An non hæc demum instrumenta, Artificis manum & mentem sat superque manifestant, Deumque esse qui fecit celos in intellectu, vti Psalmista testatur? Psal 135.

*Gyra  
terraquæ  
globi, con-  
templare  
etius siuus.*

Quod si oculos ad terram ipsam libet demittere, terram, inquit, vilissimum sane, si cum cælestibus comparetur corpus; tamen quem non obstupefaciat, si quis aut pondere suo in medio vniuersi puncto consistentem, aut si ita placet cum Copernicanis, nescio ubi in æthere, circa solem volitantem gyranterque contempleretur, similem tamen semper sibi, suaque stantem mole? quis dedit pondus terræ, & quis ponderit am iustum æquilibrium? Quis antra aperuit, in quibus lapidum metallorumque tot diuersa coquerentur genera, & formarentur quasi in vtero? Quis ingentes illas cauernas & abyssos terræ excavauit, quibus amplissima maria continentur; cum tamen æquabili ponde re, centro incubent gravia; vnde æquabilem quoque, & à centro vndique æquali distantem interuallo, superficiem terræ existere, secundum gravium naturæque leges erat necesse. Quod si verò in lacunas depressa non fuisset terra, totam vndique aquis obvolumendam, ac propterea humanis vibus ineptam prorsus futuram, liquido constat.

*Et superfi-  
ciei exten-  
sione admi-  
rabilem  
declinata-  
rem.*

Rursus vero, quis vndis extantem superficiem hominum habitationi destinatam, in valles collesque distribuit, imo & in montes altissimos tantâ arte eduxit, tum ad arcendam ventorum rabiem tum etiam ad solares radios aliter atque aliter reflectendos, non sine variâ & multiplici tum ipsorum montium, tum etiam vallium fœcunditate & prouentu? Quid, quod hæc ipsa, quæ oculis appetet plana & æquabilis terræ planicies, plana tamen non sit, nec ad libellam perpendiculumue constrata; sed à mari molliter acclivis, per longissimos terrarum tractus paulatim assurgat, stupendo prorsus artificio? quod quidem ex

26.

27.

*peripherie*

fluuiorum lapsu, clarè conficitur. starent enim aquæ omnes, nisi terra per quam deuoluuntur, declivitate suâ labendi facultatem daret. Qui's itaque tellurem hanc ab ipsâ inde Hollandiâ, per longissima Germaniæ spatia ad montes ysque Italæ docuit assurgere & quis Brabantiam ita complanauit, ut tamen tota à Leodiensi tractu, Antuerpiam ysque Zelandiamque decresceret, artificio plane necessario, ut illic Rhenus, hic Mosa, Dilia, Scaldis aliisque passim fluuij & torrentes defluerent, & quasi ingentes venæ, terram yndique summâ hominum commoditate intersecarent.

28. Verum si omnia velim percensere, infinitus sim. An autem hæc non sufficiunt, ut stupore desixum teneant considerantis animum? An non celi enarrant, imo mutis vocibus proclaimant Gloriam Dei, liquidoque demonstrant, quod sit magnus Dominus Ex his glo-  
riam arti-  
ficii, iu in  
rem suam  
venient, ob-  
stupescere.

*Instrumenta autem ea non casu sic constructa, sed summo iudicio, à Deo etibus suis aptata esse considera.*

29. **A**poniratis instrumenta sat scio, magnamque de Artificis p- Neque hec  
ritia opinionem, menti tux ingerere incipit tam iusta admi- casu ita fa-  
ratio; crescatque cum contemplandi studio. Nisi forte ut eam da sunt, sed  
tibi derrahat Atheista quis, diuinitatis contemptor, hæc omnia summa at-  
non arte & industria, sed casu & fortunâ, hoc quo sunt modo tentione. b  
coaluisse, nugerit. Evidem scio non paucos esse, quibus aut Deus displicet, aut cogitationes propria nimium placent, quibusque, mediis in errorum tenebris versantes Ethnici, Græci in- quam aliquot Philosophi, prætulere facem. hi sane totum hoc quam late patet vniuersum, casu mero ex atomis minutissimisque puluisculis, mutuo se complexu colligantibus existere contendunt. Sic quidem, ut primo non nisi merum chaos esset, vniuersum pulu sculis illis coniuse complebitibus: at tractu temporis incubuisse sibi paulatim atomos, & in varia, hæc nempe quæ videmus corpora, residendo sese conformasse; sic ut & Sol & Luna, & cuncta quæ videmus, nihil aliud sint, quam puluisculorum temere.